



Maman!

LIS AVENTURIS DI VIGJI

Projet promovût di 'Il Friuli' e 'ARLeF'

TANT PAR RIDI



"Mame, mame, ise vere che se tu gjavis i ocjâi tu viodis dopli?"
 "Eh, purtrop si Pierut!"
 "Alore gjaviju e cjale la mē pagjele!"

ZÛCS

Dissegne in chest spazi la muse de tô mame e scrîf sot il so non, dopo ritaie la tô opare e fasii un regalut pe Fieste de Mame!

Fruts, al è tornât Maman! cuntune gnove stagjon e cun tantis sorpresis! Us din apontament **su telefriuli**

ARLeF **telefriuli**

Maman!

Gnove stagjon
 Ogni vinars aes 17.40
 miercus aes 17.40
 e domenie aes 7.00

LA DETULE DAL DÌ
 CUI CHE AL VÛL
 LA FIE, CHE AL
 CJARECI LA
 MARI!

Sêso bogns di fevelâ par furlan?
 Inviait un vuestri video indulà che nus mandais un pinsir, une cjançon, une barzalete, une conte par furlan o un vuestri dissen li che si viodi un moment in particulâr di une pontade di Maman! e us mandarin in onde.
 Mandait al numar 333/7202814 o ae direzion di pueste eletroniche maman@tvstar.com
 Ocjo, il telefonut al va tignût in orizontâl e no in verticâl!

Pagjinis curadis di Daria Miani
 Consulence linguistiche de ARLeF



A OGNIDUN LA SÔ MAME
 Une di di Mai, Vigji al veve decidût di fâsi un biel zirut ator pal paîs di Pasiàn di Prât: al jere masse curiôs di cognossi besteutis come lui, e di scuvierzi i mûts di vivi di dutis lôr. Passade la strade, tal curtîl dai vicins al veve viodude une simpatiche gjaline che e tignive sot des alis i siei poleçuts; devant dal puarton e jere une grande cjice cul pêl fof e blanc che e lecave la muse dal so cjanut;

parsore dal cjastinâr, dentri di un nît, une mierle e deve di mangjâ ai siei piçui, vadî a pene nassûts, cul so becut. Ator pal zardin a corevin come mats frutins tant contents e a zuiavin a rondolâsi par tiere; pôc plui in là, lôr mari ju cjalave cun muse di ridi, intant che e netave la cjase e, ogni tant, si svicinave a dâur une bieie bussade sul cerneli. A Vigji i plaseve un grum viodi chest ritrat di piçulis fameutis che a gjoldevin di chel daspò misdi, e al pensave a cemût che e podeve jessi stade la sô mame: lui in fonts al jere stât adotât che al jere picinin, duncje no si visave di jê... Forsit e veve il pêl colôr neri, o forsit grîs, o pûr blanc, cuissà, e intant al svolave cu la fantasie... Ma in fin dai conts, al jere content par vie che nancje Daria no i pareve cussî mâl tant che mame!
 (Al va indenant...)

CJANTIS, FILASTROCJIS, POESIIS

LA FIESTE DE MAME

La mame ti jemple di felicitât
 ti imbrace, ti busse, cun semplicitât.
 Tu passis cun jê des bielis zornadis
 tu sês biel cjamât di cent mil bussadis

E piture i siei voi par fâsi plui bieie
 cui siei vistîts e pâr une stele.
 Ancje se e je a vore ogni di ad implen
 ti jude, ti scolte, ti vûl simpri ben.

Rit. Fasin po i auguris a dutis lis mamis
 a son lis regjinis di dutis lis flabis.
 Tra dutis lis maris la tô e je la plui buine
 simpatiche, dolce e propit ninine

Rit. Fasin po i auguris a dutis lis mamis
 a son lis regjinis di dutis lis flabis.
 Tra dutis lis maris la tô e je la plui buine
 simpatiche, dolce e propit ninine.

(Peraulis di Daria Miani; musiche di Flaviano Miani)

LU SAVEVISO CHE...?

La Fieste de mame tal 2014 e à finît... cent agns! Cuasi pardut si festeze la seconde domenie di Mai, fûr che in cualchi paîs come la France (ultime domenie di Mai), la Norvegie (in Fevrâr) e la Argjentine (ultime domenie di Otubar).



RICETIS - Master Cogo Furlan

TORTE DI FREULIS

Par fâ la torte di freulis o vês dibisugne di:

- 85 grams di spongje tenare
- 150 grams di zucar
- Un ûf
- 125 ml di lat
- Une sedonute di estrat di vanilie
- 180 grams di farine 00
- Une sedonute e mieze di levan in polvar
- Un piç di sâl
- 300 grams di freulis a fetutis, di zontâ tal impast

Mi racomandi, prime di scomençâ: lavaitis simpri lis mans, metêt sù lis manecis, un grumâl intor par no sporcjàsi, un cjapiel di



cogo par no pierdi cjavei inte pignate, e fasêtsi simpri judâ di un grant par ducj i passaçs. Sêso pronts? Alore scomencin!
 Cul batiûfs eletric lavorait la spongje cul zucar cualchi minût, fin che no devente une creme. Zontait al impast l'ûf e il lat, e lait indenant a

messedâ. No stait a preocupâsi se cuant che o zontais il lat la paste e devente licuide: al è normâl.

Zontait il sâl, la vanilie e la farine tamesade cul levan e misturait ben i ingredients. Strucjait l'impast intun stamp di 22 cm, onzût prime cu la spongje e spolvarât di farine.

Nivelait un pôc la superficie e metêt parsore lis freulis taiadis tal mieç par lunc.

Sparniçait parsore dôs sedons di zucar, e po metêt tal for, cun funzion statiche, a 180 grâts pai prins 10 minûts; po dopo sbassait la temperadure a 160 grâts e lait indenant a cuei par plui o mancul 45-50 minûts.

Imagjin e ricete gjavadis fûr de pontade dai 2 di Jugn dal 2017 cun Federica Angeli

IDEIS PE LETURE




F. Gregoricchio, "Doi nonos scompagnâts", golaine "Fameis", Didatiche Kappa Vu, 2018.

Puzzle intrûs

Dome cinc des sis figuris chi sot a son stadis otignudis discomponint la imagjin dal ucielut chi in bande.


La seste imagjin, invezit, e je stade otignude doprant une fotografie un pôc diferente.

Savaressiso di quale che e je la imagjin diferente? Uçait il voli!



Unis i ponts

Unis i ponts dal numar plui bas a chel plui alt e viôt ce che al ven fûr.



99 PERAULIS



"99 Peraulis. Fevelâ cul mont. Parlare col mondo. Talking to the world", di Silvana Schiavi Fachin, Futura Edizioni, 2014, realizât in colaborazion cun ARLeF